

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De initio Horarum. IV.

urn:nbn:de:hbz:466:1-40233

3 Quare nouo iure quinques horae recitatur in Officio, si dicantur Preces in Prima, & Completorio. Initio quidem Matutini & Primæ ad professionem fidei, quæ est virtutum omnium fundamentum: & dicitur secretò, quia in primitiua Ecclesia sub silentio plerique fideles erant, metu persecutionum, Dur. lib. 4. cap. 25. In fine quoque Completorij secretò dicitur; quia in fine mundi plures in corde referuabant fidem, non ore palam prædicabunt, idem ibidem. In medio ad Preces Primæ, & Completorij; quia in primitiua Ecclesia, & in fine mundi in electis solidior fides, vnde & bis in his duabus Horis dici solet.

4 Sed cur in medio, ad Preces, partim clara voce, partim secretò dicitur? Quia corde creditur ad iustitiam, ore autem confessio fit ad salutem, Roman. 10. Dur. lib. 5. cap. 5. sed numquam totum clara voce, sicut in Missa, quia, inquit S. Thom. 2.2. quæst. 1. art. 9. ad 6. initio diei, in primitiua scilicet Ecclesia, prædicabatur fides potius occultè; & idem in fine diei, Antichristi tempore, fiet; nunc vero temporis, quod hora Missæ repræsentat, manifestata fide, Symbolum Patrum, quo declaratur Symbolum Apostolorum, euulgatur liberè, & absque metu cantatur. De Symbolo satis.

De initio Horarum.

C A P. I V.

Tribus modis inchoatur Horæ: Matutinum per *Domine labia mea*, &c. Completorium per *Conuerte nos*, &c. reliquæ Horæ per *Deus in adiutorium*. De Matutini principio prædicto me-

minit Amal. lib. 4. cap. 9. & alij post eum. Signum Crucis ad os fieri, scribit Gemma an. lib. 2. cap. 1. De initio Completorij prædicto, Hugo in Spec. cap. 3. De initio reliquarum Horarum, quod diximus, Nau. de Orat. cap. 3. num. 64. & auctorem facit Damasum suasu Hieronymi. Gregorio tribuit Polyd. Virgil. lib. 6. de Inuent. cap. 2. Amalar. autem in Matut. lib. 4. c. 9. non meminit huius Versus, *Deus in adiutorium*. Erat autem hic Versus in ore Monachorum frequentissimus, Cassiano teste lib. 12. Institut. c. 23. coll. 10. cap. 10. Signum Crucis à fronte ad pectus ad ea verba fieri, tradidit Belet. de Div. Offic. cap. 24.

2 Contingit enim, ait Turrecrem. ad Reg. sancti Benedicti, tribus modis peccari, corde, ore, & opere. *Domine labia* dicitur contra peccatum oris; *Conuerte*, &c. contra peccatum cordis; *Deus in adiutorium*, contra peccatum operis. Et quia in peccato oris & cordis est aliquid operis, ideo, ait Dur. lib. 5. cap. 2. in Matutino quoque & Completorio additur Versus *Deus in adiutorium*, &c.

3 Aptius autem principio totius Officij præponitur *Domine labia*, &c. quia ore laudandus est Deus cum recitatione Officij. Et quia per diem vagamur à Deo, ideo sub noctem dicimus aptius, *Conuerte nos Deus*, &c. Per diem autem sæpius cum antiquis Monachis dicimus, *Deus in adiutorium*, &c.

4 Prosequimur cum *Gloria Patri*, & *Filio*, &c. auctoritate Damasi; & ad omnes Horas dici, scribunt Amal. lib. 4. cap. 9. & V Valafridus cap. 25. Damasus tamen non est auctor huius Versus, qui ante Damasum à Nicæna Synodo fuit compositus; imò ab

I. Apolo-

66 Comment. in Rubr. Breuiarij. Sect. V. Cap. IV.

Apostolis fluxisse, probat ex Basilio Baronius ann. 325. Nicenumque ad-didit, *Sicut erat in principio*, &c. vt idem Baron. ibidem ex Conc. Valesi can. 7. Plura infra cap. 8.

5 Completur initium Horarum per *Alleluia*. Vox est Hebræa, quæ significat, Laudate Deum, ex Aug. in *Psal.* 118. cum plenitudine tam gaudij, & exultationis, auctore san-
cto Thoma post *Glos.* in cap. 19. *Apoc.* Sanctus Germanus in *Theoria* ex-plicat hoc modo: Al, venit, el, Deus, uia, laudate: vel ex eodem, Pater, Fi-lius, Spiritus sanctus. quam expositio-nem S. Gregorio tribuit Dur. lib. 4. cap. 20. vbi alias tres affert, quæ mihi non satis placent. In aliam linguam transferri non debet propter sanctio-nem auctoritatem, ait Isidor. lib. 1. de *Diu. Offic.* cap. 13.

6 A sancto Hieronymo fuit hæc translata de Ierosolymitana Eccle-sia ad Romanam iussu Damasi, vt docet S. Gregor. lib. 7. Epist. 63. qui & eamdem vocem Romæ restituit, ex Rup. lib. 1. de *Diu. Offic.* cap. 35. non simpliciter, sed instituendo, vt diceretur etiam extra tempus Pa-schale, vt exponit Baronius, Augu-stinum citans in *Psal.* 106. dum scri-bit de *Damaso*, anno 384. Erat enim in vsu Ierosolymis ante Damasum, qui & Romæ eamdem vocem ordi-nauerat; sed deinde fuerat omissa us-que ad tempora sancti Gregorij, qui eamdem restituit.

7 Post Septuagesimam loco *Alle-luia* dicitur, *Laus tibi Domine*, &c. ex Decreto Alexandri II. vt ait au-tor Gemmæ an. libro 4. cap. 117. titulo de *Sancto Stephano*, in postremis verbis. Mutationis huius ratio est, ex Alcuin. cap. de *Septages.* quia conue-

nit humiliori tunc uti lingua, qualis est Latina comparata cum Hebræa.

De Inuitatorio.

C A P. V.

H Abetur *Inuitatorium* apud Amal. lib. 4. c. 9. in quo, in-quit, communis cœtus Fra-trum connovat omnes degentes vni-dique, vt excitentur & veniant ad confitendum Domino. De eodem Alcuinus ante Amalarium, dum causam reddit, cur *Inuitatorium* in die Epiphaniæ non dicatur.

2 Dicitur autem sexies integrè intra *Psalmum Venite*, & ter imper-fectè, id est pro medietate eiusdem; quia aliqui perfectè, aliqui imper-fectè in uitationem recipiunt. Sena-rius est perfectorum, qui constat uno, duobus, tribus. Imperfectorum nu-merus est illorum trium, qui Super-bia, Avaritia & Luxuria student, Dur. in Rat. lib. 5. cap. 3. Sexies item integrè, quia in sexætabus mundi in uitantur omnes ad Deum, Mich. Timot. in *Spec. ordin.* 4. par. trac. 6. cap. 16.

3 Variatur pro Officij qualitate, & in Ferijs variari tradit Radul. Prop. 15. quæ varietas concinnior est hodie quam ante Pium V. tum in Officio de Tempore, tum de Sanctis.

4 Dominico die, de creatione, *Qui fecit nos*; quæ facta est primo dierum omnium. in reliquis diebus concordat *Inuitatorium* cum antiquis.

5 In die Epiphaniæ non dicitur, ex Alcuino cap. de *Theophania*; quia, inquit, Herodes in uitauit, & congregauit Scibas, vt scirent de Christo ad eumdem occidendum. Vel quia Magi, inquit Hugo in *Spec. cap.* 3. à ne-mine in uitati venerunt ad Christum.

Vel